

二十一年辛丑春。霽雨。夏麥熟。

五月烏吳山龍塘堰同日蛟起。六月苗多螟。冬十月邑西山民得鼠土窖中。五頭共一尾。烹食之。十一月大雪連月不消。有鴉數萬飛蔽天日。其鳴哀。集縣署。驅之不去。踰月鍾逆變作。明年大兵入城。始散。十二月逆首鍾人杰陳寶銘汪愷族倡亂。陷城。知縣帥長治典史王光宇死之。先是人杰以諸生健訟被革。邇因連歲吏民構訟。遂至於亂。大殺

胥役。邑民懼逼四散逃匿。逆黨陷通城犯蒲圻通
山。二十二年壬寅春正月。制憲裕提督劉統大兵
入崇。逆首就縛。招撫流離。民始復業。夏大饑。貧民
採草根木皮以食。知縣金雲門開倉平糶。穀價頓
減。